

Lacus.

Flumina.

Ratio admini-
strandi.

Nozerethum Nofercy, quod olim a nucibus dictum Nucillum, sed Ludovicus Cabillonensis ab expeditione Hierosolymitana reversus, muris cinxit, ac *Nazarethum* dici voluit. Hic Comes arcem habet, quæ quia plumbo intacta est, dicitur plumbea. *Salina*, amplissima Civitas, toto terrarum Orbe celebris; ab salis denominata Fontibus, Saleque inde igne densari solito; qui candore præstans in finitimas regiones exportatus maximum hujus Comitatus est vectigal. Reliquarum Civitatum descriptiones brevitate gratia omittimus. Lacus habet hæc *Burgundia* ingentes & mirabiles: Inter eos non postremi loci, cui ab *Voraginibus* nomen: mirum Naturæ ludentis opus. Super enim Aqua fit Limus, qui adeo durescit, ut Continens videatur: super quo tamen Equites Currusque secure non ambulant, sed soli Pedites. Is Cælo pluvioso & nebuloso non emergit, nisi Serenitas sit futura. Tunc per Foramina brevi tempore auctus totam Columbanam Planiciem rigat. Inter Nozerethum porro & Ripariam alius est Lacus in Bonvalli, Lupis, Parcibus & aliis Piscibus abundans, qui septimo quoque anno in aliquot hebdomadas suffugiens & delitescens, iterum emergit. Quæ res in Miraculum exit, Fidemque vincit. Tractus hujus Comitatus Australior Lacubus scater: Videre ibi est qui vernacule *Maletoux* Major Minorque; *Narlay*, profunditatis vix credendæ: *Vernoy*, duo *Chamblici*, *Frogey*, *Ronchault* & alii. Flumina scindunt eam beantque plurimum non pauca: *Dubis*, *Lougnonius*, *Danus*, *Lupus*: *Dubis* totus ad hunc Comitatum pertinet; *Δεβς*. Ptolemæo, *Alduabis* Cæsari, si proba sit conjectura Fulvii Vrsini; in aliis Codicibus *Alduasubis* & *Alduasalis* vitiose legitur, Vulgo *Doux*. Oritur ex Monte Iura paullo supra Pagum amenissimum, qui quæ instar Opidi, Motam. *Dubis* porro cæpto ab Meridie in Septentrionem cursu; per Pontium Lacum lapsus, nonnullis anfractibus prætergressus Pontarium, Mortuam & Vafrum, Fanum petit S. Hippolyti; unde in Occidentem flexus ad Pagum *Chastelot* versus Africum tendens, Vesuntionemque permeans, & facta ad Dolam Insula post multas ambages receptosque Fluvios prope Virdunum Arari commiscetur. Totus etiam Burgundiæ Superioris est *Lougnonius*, vulgo *Lougnon*. *Danum* evomit ex sinuoso recessu Mons arduus Syrodo, grandi & celeberrimo Pago, incumbens: Sunt & *Lupus* vel *Lupa*, vulgo *Loue*, *Araris* & alia. Quod ad Statum hujus Liberi Comitatus Politicum, quoties Comitia Provincialia sunt agenda, tres Status conveniunt, convocante eos nomine Comitum Principe Arariorum, Nozereti & Arlei Dynasta. Sunt autem Nobiles, Ecclesiastici, Urbes Superioris Diocesis Comites; *Montbelliard*, *Roche* & *Varax*, *Montrivel*, *Thalamey* & *Vaulgrenans*, *Vergey*, *Rey*, *Listenois*. Abbates; *Croissant*, *Charité*, *Bitaine*, *Corneul*, *Tulley*, *Clasfont*, *Luxeul*, *Bellevaulx*, *Grace-Dieu*, *Charleu*, *Trium Regum*. Priores: *Vaucluse*, *Lantenans*, *Cusance*, *Marteret*, *Jussy*, *Portus Saône*, *Montreul ad Sagonam*, *S. Marcelli*. Canonici: *Calemoſtier*, & alii aliis locis. Urbes; *Gray*, *Vesoul*, *Montboison*, *Jussy*, *Palma*, *Portus Saône*, *Cromary*, *Mont-Justin*, *Faulcogney*. Domini: *Montmorot* & *S. Loup*, *S. Martin*, *Taulens*, *Villeneuve*, *Rupt*, *Montgevelle*, *Chastillon* & *Belvoje*, *Conflandey*, *Monbaillon*, *Velleson*, *Dacey*, *Vigny* & *Chemilly*, *d'Oizel*: *Cicon*, *Trafves*, *Ramconnières*, *Costebrune*, *Sombornom*, *Valle-fault*, *Bermont*, *d'Auvilly*, *Mugnay*, *Vereur*, *Touraize*, *Cucy*, *Provanchières*, *Grand-mont*, *Velle Chevelous*, *Voysey*, *Dampierre*, *Frotey*, *Beutal*, *Matey*, *Noironde*, *Tromarey*, *Milley*.